

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Epistolarvm [epistolarum] D. Philippi Melanchthonis Farrago**

**Melanchthon, Philipp**

**Basileae, 1565**

**VD16 -M3220**

Reuerendo uiro, D. Georgio Buchholtzer, praeposito ecclesie Dei in urbe  
Arctoa, amico suo colendo

[urn:nbn:de:bsz:31-312770](https://nbn-resolving.org/urn:nbn:de:bsz:31-312770)

plectōris, & quidem ornatum honore splendidio-  
re, quā sunt hi gradus, uidelicet luce diuina: et col-  
locatum in agmen Prophetarum, Apostolorum &  
ceterorum, qui laude doctrinæ floruerunt. Ibi unā  
uiuētis in omni eternitate, fruētis conspectu Dei,  
& dulcissimis sermonibus Christi, Prophetarum  
& Apostolorum. Hanc eternitatem intueamur in  
hac ærumnosa peregrinatione, tanquam metam, et  
fortius has miseras feramus: quia et breue curricu-  
lum est: & ad illam eternitatem, in qua sapientia  
& iusticia Dei fruēmur, non ad fugacia huius ui-  
te bona conditi sumus.

Que cū tibi uiro docto & bono nota sint, bre-  
uius ad te scripsit: ac Deum oro, ut et animi et cor-  
poris uires tibi augeat. meministi enim dictum: In  
ipso sumus, uiuimus & mouemur. Vale.

Reuerendo uiro, D. Georgio Buchhol-  
tzer, præposito Ecclesię Dei in urbe  
Arctoa, amico suo co-  
lendo.

Reuerende uir: Cū Dux Prusię ad multos eo-  
dem argumento scripserit, utile esset ab his uicinis  
principibus ita institui deliberationē, ut unā com-  
munis responsio mitteretur, ne postea ex his ini-  
tjjs maiora disidia orientur. Et hoc meum consi-  
rium uelīm indicari insclyto principi Electori Mar-

r 4 chioni,

chioni. Ego hactenus non uolui accendere discor-  
dias. Ideo multas multorum iniurias pertuli, meq;  
hac uoce consolari soleo: Quod est ex Deo, non  
dissoluetur. Simplici & pio animo quæsiui & reci-  
taui summam doctrinæ Ecclesiæ. Et mihi nec poten-  
tiam, nec opes quæsiui. Et oro filium Dei Domi-  
num nostrum Iesum Christum, ut me regat, & ser-  
uet harum regionū Ecclesias. Quæso ut mihi scri-  
batis, an uelit illustrissimus Princeps Elector Mar-  
chio, ut unā communis responsio mittatur. Bene et  
feliciter ualete. Die 26 Nouembris, anno 1551.

Cogitauī de forma pia, & quam sperarem con-  
cordiæ profuturam esse: & nō grauatiū ueniā ad  
colloquiū, de re tanta cum alijs conferendi.

Eidem.

S. D. Venerāde domine Georgi: Videtis hunc  
annum fatalem esse & multis principibus, & mul-  
tis doctis & bonis uiris. Si igitur ex epla aliquo mo-  
do mouēt animos ut feramus æquabilius talia, qua  
lia alij mediocres & non mali ferunt: hanc etiam  
consolationem cogitate. Sed habemus alias conso-  
lationes potiores, quarū præcipua est, quod Deus  
adfirmat sese habitare inter adstrictos, inuocantes  
ipsum. Scripsi ad uirum clarissimū, dominum Can-  
cellarium: sed quantum mea intercessio hoc tem-  
pore uobis prodesse possit, uos ipsi iudicare pote-  
stis.